

BASES CONCURSO DÍA DOS NAMORADOS - RIBEIRA 2026

A concellería de Festexos, con motivo do día dos namorados o 14 de febreiro de 2026, e tendo en conta a súa coincidencia este ano coas celebracións do Entroido, vai organizar unha xornada festiva especial cunha actuación de música Dj nocturna no Malecón con distintas sorpresas e agasallos para os asistentes. Tamén se instalará un Photocall luminoso especial preto da zona do concerto coa forma dun corazón para completar a proposta festiva e de celebración tanto do día dos namorados como do Entroido.

Deste xeito, é de interese desta área impulsar un concurso de fotografía co obxectivo de fomentar a participación do público nestas celebracións e poñer en valor ambas datas, premiando ao gañador/a mediante sorteo público cunha estancia dunha noite con almorzo para dúas persoas nunha casa de turismo rural.

As condicións e requisitos para a participación son as seguintes:

1.- PARTICIPANTES E PRAZO

O concurso desenvolverase dende o sábado 14 ata o mércores 18 de febreiro.

Poderán participar **persoas a partir dos 18 anos**.

2.- MECÁNICA DO CONCURSO

As persoas participantes deberán sacar unha fotografía no Photocall de Corazón ubicado no Malecón e publicala nunha das seguintes redes sociais: Facebook, X ou Instagram. Nesa mesma publicación deberase etiquetar ao Concello de Ribeira e incluír o hastag #namoradosribeira.

Só se admitirá unha participación por persoa, independentemente do número de publicacións que se realicen.

Unha vez realizada a publicación, deberán enviar unha captura de pantalla da mesma ao correo electrónico culturaefestexos@ribeira.gal xunto cos seguintes datos persoais: nome e apelidos da persoa participante (maior de idade), DNI do/da participante e teléfono de contacto.

O prazo para realizar a fotografía, subila ás redes sociais indicadas así como para o envío do correo electrónico será do sábado 14 ata o mércores 18 de febreiro.

Non serán válidas aquelas participacións que non cumpran con todos e cada un destes requisitos.

Unha vez rematado o prazo, realizarase un sorteo público con todas as participacións válidas recibidas para escoller o premiado/a. O sorteo terá lugar o luns 23 de febreiro ás 14:00 h no Centro Cultural Lustres Rivas.

**FIRMANTE - FECHA**

FERNANDO ABRALDES PEREZ-Concelleiro delegado de Mar, Promoción do Litoral e Festexos - 28/01/2026
serialNumber=S2833002E,CN=Sello de tiempo TS@ - @firma,OU=Secretaría General de Administración Digital,O=Secretaría de Estado de Función Pública,C=ES - 28/01/2026 11:50:52



3. -PREMIO

O premio consistirá nunha estancia dunha noite con almorzo para dúas persoas nunha casa de turismo rural.

Para a entrega do premio organizarase un acto público ao que deberá acudir o/a premiado/a e con presenza dos medios de comunicación.

4.- ACEPTACIÓN DAS BASES, TRATAMENTO DOS DATOS, CESIÓN DA IMAXE E DEREITOS DE AUTOR

A mera participación neste concurso supón a aceptación plena de todas as bases, así como a autorización á entidade organizadora a empregar a imaxe e datos para os efectos de publicidade do resultado do mesmo.

Polo tanto, os/as participantes do concurso, ao enviar os seus datos e as imaxes, ceden automaticamente os dereitos de divulgación e reprodución da imaxe/fotografía presentada por Internet ou por calquera outro medio audiovisual.

No caso de fotografías nas que ademais do/a participante aparezan outras persoas, este deberá contar coa autorización das mesmas para o envío da imaxe ao concurso, podendo a organización solicitarlle que xustifique esta circunstancia no caso de que se considere necesario.

En Ribeira, á data da sinatura dixital.

Fernando Abrales Pérez
Concelleiro de Festexos

